



Broj: 04-40-1-20/23
Sarajevo, 21.01.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 20.01.2023. do 08:30 sati 21.01.2023. godine

Kantonalni operativni centar civilne zaštite je dana, 20.01.2023. godine u 17:04 sata primio informaciju od strane građanina, da je nestala jedna muška gluhonijema osoba iz mjesta Dupovci, Općina Hadžići, koja se kretala prema šumi, te traže pomoć Gorske službe spašavanja. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, u skladu sa propisanim procedurama angažovane su Službe za spašavanje iz lavina, potraga i spašavanja na vodi i pod vodom koje su formirane u Gorskoj službi spašavanja Kantona Sarajevo i Stanica Sarajevo (u daljnjem tekstu: Služba). Timovi navedenih Službi sa 26 pripadnika su odmah izašli na teren i krenuli u akciju potrage i spašavanja za nestalom osobom. Kantonalni operativni centar civilne zaštite je dana, 21.01.2023. godine u 00:10 sati, obaviješten od strane Službe Stanica Sarajevo, da se potraga za nestalim licem obustavlja i da će biti nastavljena u jutarnjim satima.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su četiri manje intervencije i to: dvije na gašenju zapaljenih dimnjaka, jednu na gašenju zapaljenog smeća u kontejneru i jedan izlazak na lice mjesta po dojavi da se u stubištu zgrade pojavio dim.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

JKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernom mjestu Bjelave je iznosila -2°C, relativna vlažnost zraka 94% a barometarski pritisak 931 hPa, visina snježnog pokrivača 4 cm.

BIHAMK: Sniježne padavine su usporile odvijanje saobraćaja na području Kantona Sarajevo, a vozi se po mokrom i klizavom kolovozu.

Etapne obustave saobraćaja u ulicama: Silvije Strahimira Kranjčevića (07:30-16:30 sati) i Hendekuša (7-18 sati).

- Zbog izvođenja sanacionih radova usporeno se saobraća u ulicama: Izeta Čomora, Butmirska cesta, Plavi put, Ilirska ulica, Viteška, Panjina Kula, Crni Vrh, Drinska, Ramiza Salčina i Safeta Zajke.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj se odvijaju po ustaljenim redovima vožnje.

PO OVLAŠTENJU DIREKTORA
DEŽURNI OPERATIVAC

Sifet Čengić

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a